

沈石田集

埽葉山房
石印

石田先生集

長洲沈 周啟南著

後學錢允治功甫校

陳仁錫明卿編

七言律一

擬 勅借岐王九成宮避暑

五月遙聞借翠微。九天涼氣襲龍衣。翠華縹緲通丹壑。仙仗參差映紫圍。樹裏笙歌臨月出。水邊臺榭見雲飛。宸遊半是關親愛。長枕風流未始違。

擬奉和 聖製從蓬萊向興慶閣道中留春望之作

蓬萊咫尺在人間。遊幸乘春樂未還。向覺鑾輿通碧落。平臨閣道見黃山。日開三殿花光合。雨過千門柳色閒。不是恩波深似海。上方那許一躋攀。

擬春日 幸望春宮

帝子宸遊出九關。離宮遙在翠微間。卿雲上捧雙龍闕。秀色南臨萬歲山。禁樹成陰春日靜。宮花落地鳥聲閒。瑤池未必能如此。八駿何須日往還。

和陳成夫詠史十首韻

太伯

萬古同推固遜賢。揭如星漢廣如川。一身去國三千里。此意成周八百年。端委桓桓吳始作。春秋肅肅祀相傳。青山有樂今誰采。草木無名滿地烟。

仲雍

上順天心下合兄。南逃無復顧幽京。興吳相繼乾坤統。讓國同開日月明。裸飾不漸蠻俗異。隱居能中此身清。江山如舊廉風遠。回首紛紛幾戰爭。

季札

願附子臧成大節。當時富貴不能淫。百年次及先人道。萬古相推義嗣心。碧樹掛雲孤劍短。青山耕雨一犁深。嗚呼重致宣尼筆。四尺高墳耀古今。

闔閭

南國由來禮義虧。內家何足怪相欺。魚中匕首無人覺。指下戈頭不自知。甘載未聞彤飾器。九原空使永為池。孤兒昧保金湯業。轉燭山河不姓姬。

夫差

錦繡樓臺沸管絃。西施扶入醉中天。若教破越成深沼。未必平齊是石田。魯國有人歌旨酒。甬東無面入重泉。祇今伯業知何處。未忝秋風白鴈前。

子胥

平生忍詢讐家忌。直道匡君佞者猜。楚恨一朝鞭下雪。越兵三戰眼中來。梓材夜雨將愁老。馬革寒潮果恨回。今日題書弔陳迹。胥臺高倚夕陽臺。

春申

崇爵高勲海內稀。江東風土澤膏肥。能教趙客慚珠履。肯使咸陽滯布衣。李妹不生無妄福。朱英先識據權機。當年得失今重論。漫把青尊對落暉。

三高

古祠南望聳鵝頭。祠下平湖日夜流。越相豈宜來附食。吳人應是不知讐。斫鱸刀滑松江晚。養鴨蘭空甫里秋。千古是非何處問。芙蓉花下有闌鷗。

陸贄

奉天身獨係安危。內相嘉名四海知。臣節盡於多難日。君心忽在小康時。論成姦蠹基南擯。製得方書啟後醫。惟有賈生同一調。人才時命總堪悲。

范文正

百年間氣斯人出。耿耿功名日月光。王佐有才時論許。鼎司無位主心傷。胸中虎豹藏兵甲。筆底風雷擊奏章。世澤綿綿天地近。義田連絡子孫昌。

却金為劉進士約之賦

黃金不許謝賢勞。方寸冰心只自操。南國有誰猜薏苡。西川無種帶葡萄。山瓢曉酌廉泉潔。使節秋臨海月高。獨羨尊翁在池上。清風吹出鳳凰毛。

送蘇雪溪歸越

買碑欲刻孟光銘。歸思驚秋夜不寧。世路交遊悲落葉。人生離合類浮萍。無情客鬢詩中白。入夢鄉山枕上青。沙水孤舟明日路。西風瑩落酒雙瓶。

怡野

心遠自成幽僻地。移家不必入千峰。路通綠野城三里。屋遶青山樹幾重。別圃煖烟分芍藥。小亭秋水看芙蓉。田園生事年年足。莫怪樊遲愛老農。

其二

銷金城裏足樓臺。小小茆堂僻處開。滿地落花無馬踏。半窓殘月有鷄催。茱萸

酒盞重陽雨。料斗池塘上。已雷彷彿。少陵栖息地。不聞租吏打門來。

謝沈以節畫

粉奩塵滿研池枯。且款清談事酒壺。好客諸侯何處有。通財知己近時無。芭蕉夜雪關新興。蛺蝶春風展舊圖。念我平生釣竿手。扁舟特為寫江湖。

贈夏太常仲昭

老成曾屬四朝知。腰下黃金鬢有絲。九棘風雲卿相位。兩輪日月奉常旗。墨池新水籠鵞帖。彩筆清華宿鳳枝。聞說懸車歸舊隱。玉山高卧酒酣時。

半隱為散官魏原齡作

領取舊烟霞。怕踏紅香只在家。窓下搨書非。門前栽柳當排衙。青山

拄笏閒消酒。烏帽籠。煮茶如此宦遊渾不惡。依然三逕有黃花。

劉秋官廷美奔母喪回

蜚聲粉署郎。手扶削杖忽登堂。十年頭上長。里書中阿母喪。心血

漫滋新眼淚。線痕偏感舊衣裳。應知讀禮黃苔畔。落盡缸花夜雨涼。

已巳秋興

燈火郊居耿暮秋。北風迢遞入邊愁。三更珠斗隨天轉。萬里銀河接海流。籌筆
簡書何日見。新亭冠蓋幾人遊。側身自信江湖遠。一夜哀吟欲白頭。

送吳朝陽都閫之任淞司

桃花春水古城濠。僧寓遙煩降節旄。雙鬢相逢慙我老。十年不見覺官高。新篇
爛熳牛腰卷。舊酒淋漓獅子袍。南國喧呼迎總制。千兵夾道擁弓刀。

送朱武選調常德別駕次李西涯學士韻

恩華浩蕩縱長遊。一牒南從楚國投。世事未能容我料。風波不足使人愁。漫消
惠飯須佳句。先設潮陽尚遠舟。廊廟江湖俱宦達。天涯持酒看雲流。

和林郡侯送王敬止赴任瓊州韻

休云寵辱遞相催。信自先生直不回。怖鯁莫憑龍吏說。蒸羊好待相公來。乾坤
是處皆容物。小大無官不適才。早晚春風即吹到。海瓊花發必先梅。

送王敬止謫瓊州

流行坎止世途中。萬事由天天相公。失馬未能知禍福。辯烏何必在雌雄。賜環
擬望崖山月。用楫當歸漲海風。白髮一杯分袂酒。相迎還許送時翁。

送山陰秦復正謁華光祿

瞰庄賢主得佳賓。百里清川映綠蘋。酒榼詩囊塵外物。山光水色眼中人。石池俯雨魚苗暖。畫閣開簾燕子春。此地持杯如見憶。高篇擬寄蠟封新。

送晏青雲還蜀

詩草琴張共一囊。輕舟八月過瞿塘。功名如夢青雲遠。桑梓關心白髮長。喜脫豸冠尋隱計。閒書牙笏記丹方。登高王粲應憔悴。始信江山非故鄉。

送客南還

江上春風吹逝波。流華驚目易蹉跎。一身去國天何遠。萬里求田草正多。曉棧入雲穿虎豹。夜船停火見鼉鼉。丈夫肯洒臨歧淚。釀酒南雲和九歌。

經舊遊

錦香亭館瀆橋西。足馬重來路欲迷。尊酒已闌花事落。衆人皆去鳥還啼。黃金玩世終何用。白日催年却易低。猶有碧闌干畔石。舊題無迹卧春泥。

和趙大叅行恕留別詩韻

南紀參藩經故國。仙槎暫泊又乘流。碧鷄向曉雲迎笏。黃鶴臨江月滿樓。萬里

關河應隔歲十年客髮獨驚秋便須爛醉酬佳節莫向蓬門負此遊
與徐七遵誨夜話

清談耿耿破秋眠燈火空堂蟋蟀邊白髮細傾憂國酒青山閒詠卜居篇曹劉
方駕當慚我韓孟同心豈論年菰米炊香蝦菜熟也須一繫秣陵船

送徐武功南遷

落日西風萬里舟布衣涼冷獨驚秋樓臺細雨飛玄鳥江漢閒雲卧白鷗天上
虛名知北斗人間往事付東流金籐莫道無人啟休把羈愁賦遠遊

宜晚軒為玉公賦

湖山佳處小軒成薄暮偏宜物外情明月未來風滿樹夕陽猶在鳥無聲黃花
共客詩中老白髮催年定裏生塵海行人不知處勞勞心迹候誰明

宜晚軒為珪公賦

桑榆影裏贊公房風物應非畫錦堂滿地夕陽閒掃葉應時清漏自添香行人
過去青山靜野鶴歸來碧樹涼更把殘經待新月籐蘿石上色蒼蒼

謝懷用和刊鄙作

漁歌聊遣釣遊時。珍重新編采作詩。半世不才深自惜。故人何事誤相知。應無池草春生趣。亦少江楓冷落辭。漸見虛名懶開卷。寂寥燈下雨如絲。

梅軒為侍御陳有成賦

久知清白負時名。未見紅芳已自榮。林下美人還有子。僖敏公江南樊弟更宜兄。僖敏公疎簾依約春星聚。虛壁玲瓏夜月明。老盡蘇州陳侍御。歲寒不改故園情。

松泉用周桐村韻

屋頭落落干雲立。屋下潺潺傍石生。世人有材終自用。山中無事不須鳴。開門掃葉知風過。濯髮臨杯見月明。願煮茯苓三百斛。我將分取一杯清。

寄周桐村先生

抽毫只合事黃麻。閒對清江惜髩華。山縣簿書前吏迹。墓堂文字老生涯。荷鋤還着烏紗帽。借舫常依白鳥家。聞道閉門春寂寂。卧聽風雨送鶯花。

寄蔣主忠先生

長安市上開醫肆。就買圖書費藥金。家遠終南真是隱。詩追武德好同音。鳳凰臺古秋頻吊。蟋蟀堂空夜獨吟。白髮交遊未忘我。尋君宜阻一携琴。

登多景樓

樓高風露怯征衣。百尺闌干立翠微。客裏酒杯黃菊近。眼中親舍白雲飛。空江水落魚龍靜。古甸霜清草樹稀。狼石雄談人不見。劍歌牢落送斜暉。

周校書宗道主吾塾自吾弟以及吾兒去就十餘年因竹請題寓情有詠一別清風又十霜。重來三選未全荒。此君已覺垂垂老。稚子今看稍稍長。書簡漫消新歲月。漁竿不厭舊滄浪。試呼濁酒歌淇澳。昨夜疎簾雨正涼。得陳允德兄書

蓬門曲逕掩風杉。百里能來致一函。不見秘書心欲病。宛逢諫議手開槭。窮經獨羨青藜杖。托命空持白玉鐙。明日吳門應有約。竹尊呼酒與君衙。賦得吳彩鸞壽邢孺人

崇元觀裏住鸞仙。十二瓊樓小洞天。金籍漫通新姓字。玉詞曾結舊因緣。翠圍甲帳深沉月。紫繡羅襦縹緲烟。留得韻書題筆在。墨痕無恙又千年。

送陳啟東司訓濟陽

官清地散稱詩人。此去兼尋泗水春。懷土不生南國士。移家就養北堂親。舜田

永泰青山雨。伏氏圖書素壁塵。別後雙魚如有意。好從江漢問垂綸。
息役即事

塵世忽驚春夢婆。歸來看月在烟蘿。詩能減帶頻頻瘦。酒不梳頭日日科。翡翠
小堂芳草合。子規深樹落花多。百年已信須臾事。能自偷閒奈我何。

贈顧一松外史

何處天風到羽車。相逢便作醉生涯。碧桃流水人間夢。黃鶴孤雲海外家。九市
玉符常賣雨。十年仙飯只餐霞。春深未是歸時節。老盡長松一樹花。

感雨

雨雨風風久未晴。不眠人起夜三更。玉川擬問顛崖命。錦里空勞廣廈情。杜樹
有靈陰火出海田。無畔晚潮平。朝來兒女應相訴。謂底多愁太瘦生。

退役即興寄沈廷佐

一從歸踏舊漁磯。便覺心情與世違。林屋夜涼黃葉下。水庄秋淨白雲飛。常時
有券因賒酒。每月無塵不浣衣。亦念東林老知己。苦吟先我鬢毛稀。

邊靜亭為翁總戎賦

十年海外不飛塵。白髮將軍樂事新。稍米半分題刺客。寶刀平與賣牛人。鸕鷀
送酒笙歌夜。孔雀開屏錦繡春。亭上風流何得似。滕王高閣倚江濱。

印溪書舍為陳允德賦

仲子何須錄事錢。清溪自賦卜居篇。白雲春浦書聲外。秋水閒門月色邊。桐葉
滿床宜醉墨。桃花比屋誤漁船。日長地靜無人到。只有沙鷗相對眠。

寄金以賓

門前流水落方塘。想像盧鴻舊草堂。山雨濕衣梅子熟。輕風吹面柳絲長。比鄰
儘許分閒地。別業還堪置小庄。雅詠清吟殊嬾墮。惟應杯酌送年光。

柬黎郡博大量

落地文章能浩蕩。只今才力更精靈。青檀舊物移諸郡。白髮新霜照六經。石上
高絃開素月。水邊虛閣帶春星。一官未許投閒去。五老從教入夢清。

季從役之京

手携鑪錫別諸鄰。去踏長安陌上塵。病遶一身千里道。貧移三口半家親。傷心
月色孤軒夜。濺淚花枝故國春。四海祇今都賣劍。莫愁長作不歸人。

和倪雲林韻

蘭渚春潮迴棹遠。菊籬秋雨閉門深。行厨斫鱸烹鱸玉。秘閣燒香鑄鳴金。難後移家迷逐迹。老來懷國剩初心。畫圖省識雲林下。依約仙踪似可尋。

聞黎郡博乞歸用前韻寄之

秋堂昨夜誦移文。一片鄉心逐楚雲。五柳歸來雖未卜。二疏陳乞已先聞。年華不是頻催客。山水何堪久住君。應有諸生挽行色。離程肯向馬前分。

正菴為張克紹賦克紹嘗繼母氏徐今復本姓故號

弓正綿綿百世餘。肯將初姓別從徐。范公不復稱朱說。秦相終當愧范睢。今日有人修故牒。十年無恙見遺書。清風喬木依然在。手葺先人舊隱居。

和陳起東司訓見寄韻

江東日日望秋槎。何事歸期未有涯。難弟暫回方得信。老親同往不思家。河流曉漲山城雨。岳色晴分海國霞。昨夜寒窓倍惆悵。故人千里卜燈花。

奉題雲岩雅集卷

故園山水愜登臨。白髮黃花帶笑簪。林下衣冠綸閣興。老年詩酒奉常心。蒼苔

片石窪尊古落葉迴廊步屨深更有同時隱君子陽春一曲共知音

寫懷寄僧

虛壁疎燈語亂蛩夜懷如水怯西風明河有影微雲外清露無聲萬木中澤國
蒼茫秋水滿居民流落野烟空不知誰解拋憂患獨對青山憶贊公

送董黃門志昂出宰壽昌

朝奉除書下玉墀黃門回首即天涯浮雲蔽日何須問明月同心好自知宦迹
何堪同越鳥楚詞多是弔湘纍江南未許淹才子宣室春風有所思

和張保定留題北寺詩韻

鐘磬玲玲隔水聞當門高塔倚斜曛綠蘿深逕栖殘雨黃葉空臺積暮雲已拂
壁塵留草聖更因香炷事桐君碧山學士清遊後應悔銀魚不早焚

雨中經黃氏故宅

湖水東頭是故居野烟踪跡見還疑不堪搖落秋風後况復經過夜雨時三徑
就荒苔有色四隣供爨樹無枝興亡自古何須欲太尉平泉石已移

蜀道兵興聞遵誨尋舊業

風火西川萬里餘。扁舟此別意何如。宸遲自可加餐飯。離亂無由數寄書。江上
羈愁衣帶緩。鏡中勲業鬢毛疎。秋來無那多風雨。遙憶城都舊草廬。

和陳怡然先生所示韻

浮宦浮名付兩忘。角巾歸第自徜徉。杯傳吳市新筍酒。衣帶藩庭舊賜香。醉後
雪詞誇古調。老來霜鬢感流光。秋風日暮江南岸。手把芙蓉惜故芳。

佳城十景為陳內翰緝熙作

靈巖晴旭

石磴盤迴出半空。上方初日已曛曛。青林樹色微分白。翠壁嵐光遠映紅。伯國
山川殘月外。梵王宮殿曉雲中。傷心只有西原下。不與人間白晝同。

震澤秋蟾

片月飛來湖上頭。亂峰高下素華浮。金尊不見仙人問。白壁空隨浙水流。風露
無聲三萬頃。山河有影十分秋。英靈杳杳今何地。天府清虛托遠遊。

光福烟霏

霏霏如有復如無。望裏芙蓉紫翠鋪。孤塔斜陽迷上下。長林秋樹入模糊。暮山

佳句滕王閣。疊嶂愁心定國圖。西去伏龍三十里。時時佳氣接楸梧。

穹窿雲氣

重疊浮雲遶翠微。雲山終日自依依。林巒片影隨風度。草樹清光帶雨飛。仙梵蒼茫知寺迥。丹梯縹緲見人稀。玉堂學士思親處。腸斷仙魂載不歸。

天平嵐秀

浮嵐起處識崢嶸。山色渾疑點染成。翡翠曉光初掩映。芙蓉晴影未分明。淡含石屋餘霏在。暗濕龍門細雨生。北向風來忽吹散。高封遙見太丘瑩。

古廟喬松

紫泉祠畔百年松。高蓋亭亭倚半空。陰壁飄光山色裏。閒庭落子月明中。清秋仙鶴溥溥露。深夜靈旗嫋嫋風。木末有聲廬墓處。令人相感恨無窮。

寄心修竹

祇園百畝綠陰寬。瀟灑清標不厭看。上客有時來嘯咏。老僧終日候平安。蒼雲墮晚花宮淨。翠雨含秋石塔寒。還過東家埋玉地。春風吹長化龍竿。

海雲茶屏